

卷之四

瀑音 卷之三

晉東苗



賦
已丑春老母有壯顏知多壽喜而忘憂遂

王母居瑤池西海屋通蓬島東菊花潭山之南
萱艸植高堂北我母今年八十一鬢如鶴影顏
童質每日三上佛壇香拜跪跣趺有餘力齒間
炒豆嗑不聲山阿不杖步能陟酌彼瀑泉漱水

歡竭力紀其藝絜稷那堪想甲申幾為虎口嘆
素位五六年患難時夕惕忍詬歲輝詎有他只
為依依常在膝慈竹三峰意出群祥麇五色雲
如織身無病而心不憂果然康彊其逢吉從此
斑衣學老萊蒼天蒼天始錫

三月十一日冶西山房次信三日再飲蘇
村之南澗至壘日而返吾廬焉即事十首
用呈同志

不謂花門亂還畱水曲春風光三月半煙景二
朝新東北瞻星斗西南得友人相邀二十里來
問冶溪津

之子同羸蹇寧云歇後註二稍遙入畫亭畔隱
圍棋冶水浮新艷冠山見舊儀相看應不厭卜
夜頗忘疲

蚤起看村意陰雲急向西鳧鷗怡水面菴李亂
花畦羸氏雖相并商山且共攜開圃十畝上煙

紫掛耕犁

剔燭聽新雨欣欣眷物華隨風噴柳甲帶霧洗
桃花病解相如渴春從子美賒喜聞農父語但
道長桑麻

高齋三兩日雅致總超然
筆欽皇祖鸞詩見
呂僊香醪還落落精鑿出娟娟却笑乾元叟窮
途剩一錢

明日遊南澗濱頭逸鳥喧老蛟蟠石洞稚子出

樵源山靜真終古花蹊自不言芳臬嘗藥味只
此近農軒

巨石蹲斑豹紅枝逼老梅花酣當晚照月大正
東來天地為衾枕山河入酒杯蘇村名甚好髯
客止茆齋

盤礴支離影楸枰絕澗音濤風來兩袖檀氣出
高林莫訊無窮事應存現在心七賢寧酒隱但
不廢登臨

倚晚花迷路歸兮奈若何望廬依瀑布回首瀟
雲蘿一麗巖之畔三星瞥爾過南陽持道氣心
目不曾波

花照籬門水風開柳岫橋遊嵐攜晚翠邀月度
良宵堂草萱尤茂仙源掩人嬌春深何處好已
在瀑山椒

春興雜咏

讀罷南華却病魔畏途食色隱千戈深山流水

桃花院明月橋頭子夜歌

近代奇書張二水先民寶翰祝枝山遊春兩獲
真名勝忍負芳辰寂寞還

城南滿徑落花飛玉井銀冰見宓妃靨輔明眸
聊髣髴湧泉亭畔拾春歸

綠戰紅酣入畫圖峩冠高聳一峰孤後凋大樹
支離叟却媿秦封五大夫

五日尋春處士家濛濛煙雨度風斜主人來舍

花纔放次第籬邊吐異葩

千條弱柳護茆垣郁李天桃掩碧軒水繞柴門

山抱口分明逼近武陵源

山寺將懸閣皂鐘半天風雨吼髯龍欲知春興

歸何處詩在東南八九峰

繞閣羣芳綻錦鮮花經雨洗倍嫣然正當好景

春三月人在蓬壺小洞天

紫霧紅霞襯碧開年年茵錦是誰栽再生顧陸

丹青手只有天工畫不來

飛泉恠石亂波紋柳外花香水上雲野老那消

機事苦一灣溪水狎鷗羣

四月朔日晚際遇雨

山房瀑布碧濤寒春夏之交遂改觀一點黃鸝

歌伐木千竿綠竹瀉鳴湍荷塘淺戲新魚藻菊

圃初分小藥欄獨坐前軒添逸興晚來飛雨過

層巒

繞屋莖花幾百栽雨中一半夏方開金拖弱柳
含霞舞玉嗽新泉濯錦來山水壽人寧偶爾乾
坤別境亦奇哉年年此際念初度却媿雲臯隱
鶴胎

寄懷戲體

子卿海上動情芽五色雲車是內家縣圃明珠
將照夜蓬萊仙果欲生花美人曾得飛磨勒俠
客今無古押衙最是英雄楊越國憐才取次遣

雙娃

柳絮

初夏溪干雨乍收微風新轉柳花毬波光上下
飛瓊玉雲陣輕揚隱白鷗起絮曾經道韞咏裝
綿欲作少陵遊若非四月芳菲見錯認陽春雪
滿樓

俠客行

雄州之俠曰改菴壯遊東海渡江南畫虎未成

驚脫兔屠刀忽放叩珠龕瀑布峰高函古月龍
泉隱射芙蓉雪並轡延陵到藥欄剪燈告我言
奇絕淋漓悲壯逼人寒指揮星斗髮冲冠萬仞
巔頭擬碎骨千頃波中欲濯肝明日孤征且東
去寄問燕丹在何處擊筑高歌漫說荆漆身吞
炭羞稱豫改菴改菴狂也且百慎休教劍術疎
背水山前寄我書可憐張耳及陳餘袴下風雲
歲豁達君不見淮陰曾拜李左車

哭大廷尉挽詞五首

大暑陰方動河山隕貫星蒼天摧老宿白日斷
虛靈廷尉仍畱漢旌常已勒銘泫朕真一慟撫
櫬孰堪聽

弱冠魁三晉方剛對萬言閭中稱孝友鄙上問
淵源望出東林重聲騰北斗尊臺班曾領袖諫
草至今存

天下之平未淋問若臯陶枚卜寧先蔽歲寒應

後彫旻不愁一老海已閱千潮冉冉清魂去歸
來聽大招

自從失詞伯不復更論文二語常憐我三年尚
待君何期憂患甚此日古今分野鶴孤鳴瀑翹
空有斷雲

風雅關心久情深二十年唱酬皆善謔尋訪即
同眠屬續之前月肩輿到瀑泉吞聲從此訣遂
掩伯牙絃

七夕晚際玉簪初放

天漢連陰晚氣涼幽花初放滿庭芳雕鐫難上
瓊瑤質冷艷全欺菡萏香七夕星看高士卧一
枝雲擁美人粧何時剩得填橋會共醉冰壺鑑
玉光

七夕之次日夢龍文一幅字皆金繡體類
右軍行書題名儘多止記白居易三字最

真

湯 卷之三
昨夢何祥未等閒龍文迥不類人間依稀玉案
泥金牋髣髴天孫織錦斑字似右軍王逸少名
真太傅白香山也知素位皆天數一覺黃梁任
往還

艷異雜咏

芙蓉兩頰遠山眉消渴相如竟以之一世文章
曾橫視傷心不忍食螿蜚 卓文君
壁魚野蘭突紋函舟起樵風瀉石帆禹穴三千

年一出賜衣蛾綠手摻摻

吳絳仙

膝上嬌憐不可當水晶如意頰痕傷丹脂那似
真妍媚白獺精髓琥珀光 鄧夫人

自碾朱砂養守宮風飄仙裾月明中唐人閨怨
何須讓玉笛三青透碧空 程一寧

文安王孝子歌行

挺華瀑布春三月玉尺冰壺臨激石廣陵半冊
驚異聞名宦鄉賢兩奇絕文安主簿蘇老泉軼

輒爲兒天下傳文安大孝王君子日月爭光古
無比大孝生當襁褓時猛哉苛政分橋梓母子
依依二十霜泣涕吾恃在何鄉婚姻甫畢供甘
旨陟岵號旻尋四方燕南趙北東海表日之夕
矣田橫島颶風鼓浪滄溟翻地天爲動神明曉
十年一夢土神祠日光當午入招提荷苦羹甘
附子膾魄兆靈於大衍著塵凡那得知其故記
得頻伽偈兩句如來如來真個來好去好去還

須去瞿曇幻出老人身指點大孝圖南路鶴鳴
子和寧在陰天性精求莫可禦繭足漳洺洹水
邊蘇門遙望百泉間孤栖雪嶺空門外夢覺禪
林是帶山凌晨蘭若伊蒲煢延之入座相其語
忽道鄉音及乳名抱哭悲恫淚如雨法林說法
現詩僧臨行捧唱法華經父子同歸享大耄子
孫相繼謁承明百行之原風首善天顏喜溢動
宸旌孝哉華胄晉陽李餘慶無疆福我里大泌

雄文李翼軒宏甫藏書兼載此弱侯玄宰惜逸
之壁出金聲茲足矣邇來隱怪蕩貞風忍違生
我轉如蓬得斯真孝氣為雄元直何妨指臥龍
相邀况復多名勝高山流水響泉東

月下移石壁二首

天然石壁產霞阿月下移來立澗邁
迤照雙池
搖海嶽飛雲一片湧
煙蘿渾疑玄豹藏
金霧瞥見蒼龍走
碧波十斗春醪酬
鬣鬣山農野老共

謳歌

壁立紫扉照石梁
扣之鏗爾色蒼蒼
顛如老米惟呼丈
仙若初平亦叱羊
綠竹婆娑應作友
紫苔斑駁可為牀
題詩更欲鐫其上
真是狂夫老更狂

辛卯元夜立春孕玉招飲即席二律

豈緣燈火徬城垓
只為春星點榭臺
君不可無窗外竹
妃焉能有洞中梅
但憑大笑誰聞道
何

碍高吟我辯才莫謾山翁窮老衲指端明月正
東來
漢胄遙華只有延花中祭酒橘中仙八年走瀑
尋蘿月七友題軒度茗煙退矣猶龍寧處後簡
兮如虎竟當前陽春元夜談高手此日賁皇未
敢先

楚客手談

有客黃州赤壁來相看瀑布亦懷哉清雄絕俗
聲如鶴美秀而文氣若梅半篋圖書龍馬出一
盤星斗橘仙開班荆而語春秋後誰識賁皇是
楚材

東軒歸瀑

每於夏日畏多蚤瀑水浮鷗可狎羣隱逸籬邊
箴上壽法華亭畔躡清芬十年作賦愁平子五
岳鳴琴臥少文靜寄東軒時一邁門前高柳入
停雲

北窗漫咏

瀑閣紅霞古樹林
平分南北洞幽深
瀟湘影動牀簾玉
琥珀光浮枕簟金
一部杜詩當大藥
幾聲陶句落瑤琴
老來更祝禪真味
隨處應生不住心

初秋樓月四首

竹閣青峰秀
新秋試一登
屢空隨物幻
古處與書朋
圓照看明月
逍遙笑大鵬
自從昆劫後
有

識似西僧

西天原自近
南海亦非遙
水月婆娑樹
山梁雌雉橋
雕龍能作賦
引鳳憶吹簫
此是他年技
于今亦不消

瀑水千山腹
心燈萬卷餘
庖涼奴僕罕
地僻友朋疎
樵叟來看奕
溪童去釣魚
敢云仙所好
十載幸樓居

倚樓看怪樹
蒼翠拂濤濤
皓魄懸金鏡
幽花放

玉簪清香分兩洞新露引孤琴碧海新秋爽青
天此夜心

白髮

髮斷寧勞白瑱冠不用之崑崙太古雪鬢鬕美
人詩渭水風雲老衡山日月遲杜陵披裋褐幾
歎鬢如絲

虛白驚雙鬢真空解六塵綿田奚媿子萊綵尚
娛親紅萼高秋露青蓮晚碧津畫中看四皓髯

髮總如銀

七夕二首

瑟瑟聽秋雨瀟瀟響樹枝牽牛渚上飲織女石
仍支乞巧何如拙相逢未免離呼星詩絕險此
夕正淒其

昔日芙蓉殿銀盤弄化生天孫仙月窟帝胄錦
官城八載雙痕淚三秋七夕情幽香花晚對冷
艷玉簪清

秋林夜雨又四首

山院秋霖響瀟瀟玉漏初燈明斜射竹席煖卧
看書腐艸飛丹鳥神仙飽蠹魚眼前幽事足聊
爾伴三餘

蕭然無一垢晚磬聽山僧折柳勤樊圃憐蛾護
撲燈銀河飛瀑雨古木挂蒼藤老境宜堅卧秋
宵正曲肱

落句驚風雨高歌羨八僊非熊卜獵後磨蝎命
宮前沉馥還同燼膏明竟自煎多能終底事一
定學逃禪
雲陣千峰雨洲村獨夜身鵲橋空墮淚燈火自
傳薪九十康寧母山林野逸民數年無大過會
見出風塵

寤歌

白髮三千丈巫山十二峰青蓮明鏡影宋玉楚
雲封何日應儀鳳終宵見惕龍寤歌臨瀑寺清

梵五更鐘

中元望月半夜雷雨有感之作

玉露瀼瀼水樹清山村野籟動秋聲赤蛟朱鷺
當年漢碧海青天此夜明七月蒸嘗羞二簋千
峰雷雨動三更畏塗忽見南華叟古案燒燈寫
達生

中秋壽母

金波瀑影照慈航南極中秋見壽昌池熟蟠桃
玉母宴畦分瓜瓠邵平莊百年洞閣書千卷八
月蒹葭水一方不敢盤遊娛彩舞老萊衣染桂
花香

重陽雨霽彈琴遣興

重陽風雨送秋歸雨霽朝暉寫翠微紅葉滿園
題韻險黃花入鬢敵霜威杜陵老去還多興彭
澤年來已息機一曲清商聊復爾響泉聲落十
三徽

九月望前壽母二首

九十憲庭望百年依依隻影鬢
皤然東方椀熟偷初度南極星
高照大千籬菊錦斑承曉露
藜牀黔突湧秋煙太真元直從人
選菽水天分瀑布泉

伯玉知非已近年高堂山水共
欣然星朝寶月當三五憲補靈椿
定八千半醉霜林飛細雨滿庭
慈竹繞祥煙東流不舍供甘旨
可似南陽飲

菊泉

寄懷東園公

洮江湄畔結花龕太白仙風壽
老聃自昔羊求鄰是二於今蓬
丈島仍三歲星遙射冠山麓海
月平分瀑布潭欲問賁皇東里
舊懸碑將作虎溪菴

壬辰小春望前壽懷翁先生十二韻

北斗瑤光動南冥海運連東方
字曼倩西極祖

彭錢醉白開高第者英見樂天芸臺驄馬後華
嶽漢江前陵陸田曾改崑崙圃自懸精神堪比
玉榮辱若浮煙矍鑠隨龍吟鳴臯上鶴肩庚寅
週十二世界大三千仰止冠山壽從遊瀑水偏
貧來詩骨換富有道心傳橘隱黃公弈絲聲謝
傳筵呼盧隨衆飲詩是酒中仙

冬至大雪歌題伯彭齋頭

壬辰冬至廿一早瀑布野人乘蹇小大雪紛紛

古郡城復過南陽敦故好竹影梅梢大夫枝不
改真風解意表太羹玄酒隱春深如蘭之臭盆
幽艸舊識新知意態間鵬背胸高寧悄悄黑白
雌雄弈一盤目醒心睡麈清曉鳳背麈角尚須
煎秉纊操衡都一掃百里聞雷君可期十年不
字余將老居易以俟素而行嗟余疇昔當天寶
天寶之末真可哀老杜古今流落魁許身稷契
令人咤致君堯舜心已灰萬變浮雲何有哉凍

鎖飛濤繡石苔假君僕跨君駘踏破瓊瑤歸去
來

臘八日五首

今年奇險若洪荒檢曆還餘二十行伯玉知非
行已過羲皇大衍用猶長深山豹霧交風吼小
閣琴徽透月光休歎無兒頭白早百齡強半尚
中央

十二時中莫浪研時時把命付青天鳳圖隱瑞
真難賞鬼蜮含沙亦可憐案上三身觀繡佛棋
寬一着近柯仙蝸牛蠻觸尋常事每夜心燈照
大千

玄黃猶血竟何之十載空音迹也奇北斗星臨
處士屋南山雪老夫杖行箴自卜惟周易風
雅相親只杜詩記取明年知稼穡間間十畝莫
違時

左徒天問寄騷經瀑布峰頭獲兩筵海島仙桃

卷之五
六
遲結子岡陵台鼎遠含星春迴玉枕榮萱草水
過雲龍放鶴亭歷盡波槎應出險嘉平良朔兆
山靈
雪餘擁褐曝前軒屈指年華又旦元大願寧垂
東海釣忘憂惟恃北堂憲一分勢燄千鈞業半
世名根萬劫寬若使身先寧處後還從紫氣間
真源

瀑林雪意

古案奇書照雪華瓊瑤作飯玉為家高空斂色
存姑射皓潔希聲老伯牙酒入歌樓險以說詩
歸漁棹正而葩党姬久巖粗豪味凍瀑敲冰夜
煮茶

除夕

歎老徒為耳憂貧可奈何乾坤原自卦山水且
當歌艾髮添新壽韋編減太過高堂九十上得
力養天和

元日讀易

昭陽元旦見春星讀易乾坤一草亭時變全包
廿一史文明初肇十三經爆音滿谷童燒竹雪
影前村叟負苓悟到羲皇無畫處碧溪煙柳半
痕青

劉岍舫楚產也僑于晉壯遊二載來晉寧
家復至自楚其跡甚奇以所攜南品過余
余每夜讀以三鼓為率嘗通宵望斗時賢

苦之投分忘疲僅見此君賦贈紀異

江漢郵籤報水程劉郎返棹在新正荔枝尚帶
楊妃笑茶葉真傳陸羽烹家在楚麻聊逆旅僑
居晉艾且班荆少陵先得同然句遮莫隣雞下
五更

元夜新咏

元夜金波新滿一輪正照東樓秋月教人冷歎
春月與我忘憂

野鶴違心市井孤雲任意山村竹影琴香水閣
梅花燈月柴門

亦有銀紅冶艷不無茶褐遊僧滿樹飛花金火
方舟瀑水河燈

樓對高山流水案頭古帖斑爐月掛蒼楸如鏡
聯宵人在冰壺

閒情口號

掃地猶如改過築牆可似收心修竹當窗卧起

停雲與鶴謳吟

薔薇花含玉露鷺鷥藤遶青筠雅絕天然錦繡
香於世上金銀

寶鼎煙飛古篆綃牀影照紅梅鶯燕三聲互喚
羲皇一覺初回

殘夜水鳴清咽三更月午中洲誰駕冰輪寫照
助予琴響岑樓

檻外奇雲出岫門前瀑水流花好友三峰恠石

知心一卷南華
秦漢圖書玉古鍾
王墨跡珍奇親滌
端溪鵠眼
再寫老杜夔詩

五月十四夜雨中望月紀異

仲夏之半苦炎熱與僧晚坐景奇哉
東山月湧明星出南浦雲飛大雨來
險絕黃昏千樹裏平分太極兩邊開
冰壺濯魄非常境為照珠光老蚌胎

望日登山閱金剛經

清涼法界晝方初瀑布峰頭讀梵書
經是金剛無不斷言皆筏喻又其餘
菩提路上聞三藐電露光中見六如
欲問此身何所住虎溪煙月亦吾廬

秋琴步玄宰先生韻

勲業頻看鏡拂塵秋濤琴響和文臣
十年不字班今日三月無君弔古人
荷葉半蒸雲子熟玉

簪初冷鬢華新自從曠世中郎後誰向焦桐識
尾薪

秋雨再次前韻

三日為霖洗甌塵碧濤山院若波臣霧中豹蔚
歲君子雲裏龍田見大人屋漏圖書皆色古秋
陽禾黍亦懷新應憐不已雞鳴夜一陣金風慰
采薪

偶成二首

四海經過鼎沸十年飽歷波查古是責皇侯選
今成瀑布漁家
命也方違袞馬時哉合住山林分得茆檐石洞
頗能鍊藥修琴

渠窗秋月聞雁

秋山古月吐初更雁足南征放晚聲欲雪先花
能避地啣蘆走字盡依兄渚臨磐石方衍飲羽
入雲遠莫強翮二十五弦彈夜後龍池鳳沼為

君清

代作贈晉方伯

七政金臺上三韓碣石西海中
華表柱天半玉虹霓軒冕承龍袞
躬桓領介圭保釐周弼亮方岳
晉銅鞮姑射神凝峻橫汾德敏
黎矢音諧漢魏落筆洗梁齊光燄
騰黃閣丹青照紫泥才高同繡
虎道大引醢雞冀北應憐駿車
南幸指迷升公同叔玠房魏可標
題

展壠歸瀑三首

新秋展拜壠山頭正面紅飛百尺樓
見說文昌巍閣起洮江龍耳秀并州

獨嘯東臯歎古今翔龍五道抱青岑
冠山不改迴頭顧瀑布為家解易林

西嶺殘陽一半開片雲飛雨自東來
秋風禾黍無窮意霹靂空門八月雷

瀑林十咏

飛流石壁斷青空萬綠蕭森草閣東怪柳藏橋
當竹戶澄嵐倒浸玉屏風

一道清泉幾折來平分荷菊兩邊栽法華不染
炎蒸垢隱逸凌霜九月開

玫瑰幽芬放野塘鷺鷥藤遶綠篔簹玉簪花接
薔薇露盡在蒹葭水一方

百尺仙榆歷歷高張騫西域老胡桃古槐連理
鳴雲際樓閣當中遶碧濤

碧濤樓上挂雲蘿靜坐蒲團戰睡魔水月雲霞
臨道子晚年禪喜似東坡

石洞瑤琴響北窗龍吟虎嘯水淙淙閒來親滌
端溪硯戲海羣鴻落一雙

閣之南洞可藏書經史詩文小石渠漫道祖龍
燒得盡胸中武庫是焚餘

燒燈夜讀古義經鴻漸雲遶見歲星月照高樓
千樹裏瀑音悲壯五更聽

誰云刪後更無詩老杜千秋是我師不賴文章

光燄在十年搖落總誰知

恥學揚雄作解嘲何須洗耳附由巢花間蝶夢

俄然覺尚有南華方外交

耳病手談中秋集杜

滿目飛明鏡八月十五夜月清秋鶴髮翁遣悶呈嚴公斯文

亦吾病早發耳發前月聾耳聾才高心不展寄李古

來偏側同贈蘇天意高難問送馬大卿不擬哭途窮

陪章緬思北征嵐壁鳥纔通天池山居精典

籍題栢大兄門巷落丹楓秋峽層軒皆面水懷錦水居雲逐

渡溪風秦州之子時相見題張氏隱居交親氣槩中贈哥

舒翰夜闌接軟語贈閻丘蜀僧飄零任轉蓬容亭且將碁

渡日寄賈巖一雁入高空雨晴

鏡

尚餘寶鏡照心龕冷落多年碧玉簪岳徹秋濤

形聚五輪邀古月影成三貞觀入夢懷金鑑容

海言 卷之三 三
貌如愚近老聃勲業頻看樓獨倚少陵雙鬢百
花潭

燈

秋林竹閣一燈懸。與爾相親又十年。陽燧方諸
猶未到幽牀古洞必須然。星河搖影初更後山
水清音半夜前。靜對寤歌猶不寐。平分太乙湧
青煙

乙未歲前二律

混跡漁樵十二春。誰期又向曲江濱。朝鮮東旭
曾陳範渭水。西風豈釣綸。鼎革爐中翻大瘡。婆
娑影裏笑前身。未來已過寧逃數命也。天民與
逸民

朔風凜凜透山樓。咫尺新正賦遠遊。千里有方
瞻涿鹿十年無奈向蘆溝。匣中意氣黃金盡。世
上功名白手休。屈指萊衣何日返。杏花春雨到
芳洲

乙未元旦溪行時將北上

今日為何日新正第一行
尋源穿瀑布繞樹看
詩房威鳳懷丹穴騰猿戀豫樟
遲疑瞻碣石定省近憲堂
素履應无咎遠遊抑有方
游魚畱爾別高鳥笑余忙
策蹇疇資斧防痰但藥囊
家貧豈盜憎馬老尚途長
去去知名險行行念母康
歸來挺正吐花滿樂天莊

人日

瀑布呵冰吼若雷溪邊艸甲向陽開
詩題人日驚新句易見天心卜大來
劍氣雙飛騰玉篋櫪聲千里過金臺
自從應制春暉後誰是文章落上台

贈楊崑嶽年兄

弱冠同儔拜鹿鳴
芒寒色正特長庚
星槎曾泛登龍尾
壇社仍堅載笠盟
奇數十年憐小弟
雄飛雙鳳見難兄
欲開東閣平津邸
雲裏蘭臺在

帝城

仲春望日宿場

寸天尺地斗房春皓魄孤圓入照親十二年前
曾此月三千隊裏竟何人墨濤震澤文章遠煙
鎖星臺曆象新假寐不勝寒料峭小爐羽扇自
傳薪

京邸即事

瀑閣初爻見伏羲愆期歸妹到京師風簷咏月

忙中逸菊偶分簾怪絕奇資斧將空猶買硯奚
囊已破尚尋詩送窮忽讀韓文句笑叱龍賓寫
退之

謁椒園

萬善門東萬歲山椒園左右護禪關水環鳳闕
三千頃樓罩龍舟十八間雲榭近瞻華錦砌金
霞遙憶紫宸班璿懸團殿諸天佛傳道昭陽祝
聖顏

崇效寺西來閣

西閣相違十二年再登西閣望悠狀錫飛雲表
環聲遠葦渡江中鳥影傳春日花香共命鳥後
園井潔醒心泉應無所住金剛說四大禪牀只
整眠

西來閣晚際迴文解悶

西樓挂月晚花香北閣涵煙塙影蒼溪虎過橋
真畫古石龍蟠字舊碑荒淒淒一榻蒲團臥落

落雙眸法海藏遲却望雲觀瀑瀉題詩借筆走
閒房

與靜觀上人平章古玩移石灌花有懷瀑
閣

幾年夢不到頻伽此日幽閒叩法華鴻雁穿雲
畱古篆蜻蜓點水動新涯方移介石虚心友又
插宣瓶過眼花登閣與君西指月飛濤吼瀑是
吾家

報國寺博古獲蛇腹斷琴一碧玉印色函
一石瓢宋款鐫少陵請看石上藤蘿月已

映洲前蘆荻花之句

大慈仁寺古案林改步增華萬貨臨莫象神奸
遺夏鼎可朋巨冉重南金碧涵羣玉珊瑚印爨
響孤桐霹靂琴迥出晶犀新樣外石瓢宋款杜
陵吟

闡詩咏月遂傳都下即事一律

點活危枰勝插仙都人猶問孝廉船見幾寧抱
煙霞癖明哲方來日月邊御史同年因不失司
徒宗伯竟相憐闡詩偶咏畱津邸歲副應投瀑
布篇

初度日月下彈琴

初夏長庚射晚暉一勾新月照琴徽對花搖影
偏其反信手彈聲胡不歸孔釋麒麟遲抱送梧
岡鸞鳳尚依違白頭吟咏今何夕知向高堂盼

舞衣

贈別西吳陳紫松寄題費美髯韞生兼謝

選毫

十年不見費修髯天際歸舟問孝廉冀北空群
無伯樂江南高尚有陶潛黃金不買長門賦彤
錫方珍毛穎尖何以報之青玉案同盟聊爾寄
郵籤

題大悲菴五蘊

出水蓮花第幾枝芳心抱苦少人知華池扣玉
藏甘露鬢髮栽雲隱黛眉遊覽西山觀佛日飄
流南國到家時聞君善解相如操遮莫臨邛屬
大悲

寄題西山玉峯寺

清涼蘭若破塵顏七處徵心辨八還滿院新槐
籠北閣半軒微雨放西山棚場作戲從人熱法
界皈依可自閑早辦資糧將買寺玉峯高在碧

雲間

報國寺博古再題

久客都門無一事解愁賴有慈仁寺平章古玩
性所酣鑒賞珍奇品其次虎賁不必定中郎眼
前聊爾歲遊戲諸家墨跡混蝶蛸轉輪歲東玄
宰字江山風月閒主人玉骨冰肌存道氣西涯
老筆少陵詩祝石林寫龍蛇勢西湖客子售三
幅獲之不減瑚璉器懸挂西廊卧兩案鱗爪參
天仍拂地老柏森森八九株枝葉扶疎欺翡翠
時艷羣囂五色迷疇向成弘尋鼎屨更叅窰變
補陀身此是長安真古意

出都畱別楊崑嶽年兄

自笑不知非行年將半百三十二年中九作燕
京客今年客燕京頗與從前別春初發里門屈
指筵賓節四見哉生明五月西山雪聞道太恒
西雪深亦盈尺裘敝甚不便御夏不須葛禪舍

聽晨鐘經聲蓮花舌策定古長安異同辯堅白
囊澁一錢看詩窮自夙昔惟我同蘭譜天閑今
省月媿余脂柴車入望濤樓碧綿上汾之陽姑
射真奇絕參天仰後彫庶幾明且哲

乙未六月自京旋里荷花始放志喜

正月離家六月來普門恰待法華開應憐君子
芳心苦故發佳人雪藕栽冉冉紅渠香遠近亭
亭碧照水滌洄十年製芡寧泥染此日芙蓉任

剪裁

七夕雨中觀蓮

雨華凝露滴荷房淨友相宜納晚涼外直中通
如定慧朝開夕斂似行藏葉高巨冉遊千歲錦
奪天孫屈七襄歷盡炎蒸曾不垢苦心遲子抱
幽芳

蓮塘瑞草

幾莖瑤草伴蓮香瑞葉扶踈遠復揚何處春深

秋雨露無名江上水中穴也知屈軼黃階遠故
入池塘謝夢長丈六金身應爾變曾于錦里肇
詩堂

八月十五夜

尚憶春塲咏流光忽判年大刀還古瀑明鏡寫
新嬋歸去開三筵飲中賦八仙何須驚耄序鼓
缶且陶然

哉生明入望絕盛是中秋好雨晴添喜高堂壽
解憂香風金粟殿皓月碧濤樓分定應山水瑤
光向此求

對月真吾友登樓只爾親霓裳開桂戶瀑布駕
冰輪肺氣高秋爽詩情入夜真清空移水樹一
看一迴新

山房有古色得月更光輝恠石金波壁青蓮綠
舞衣龍蛇搖竹影霹靂響星徽半夜山猿叫如
斯何不歸

州太守中秋生子瀾月一律

秋水精神玉色新
頂磨天上石麒麟
一輪丹桂香生甲
九日金花月滿辰
積善公侯原袞袞
發祥定角自振振
海中仙果寧遲兆
會見嵩高甫及申

秋日一首

落木秋容淨
寒庭菊自花
竹枝搖翠鳳
藤架走朱蛇
一水煙初煖
千峰醉莫遮
橋邊有大樗
畱

爾泛仙槎

雪夜二首

雪夜鐘聲一曲琴
碧濤天籟寫清音
猊噴沉水成初籥
茶煮蒙山助夕吟
氣煖玉樓文火靜
光搖銀海凍雲深
應知姑射仙居邈
綽約冰肌引道心

紛紛大雪滿空山
石洞雲窩一水間
瀑煖烝波從不凍
歲寒映讀有餘閒
連天積玉應難比
遍

戶飛瓊未可闕為問尚藏桑落酒醉中得句莫
須刪

山居即事

野老柴門在水湄風來楊柳動千枝桔槔引瀑
寧須甕鳧鴨呼名即到池瑤艸凌空香吐異石
聯倒影字翻奇山林經濟聊如此鼓缶長歌未
歎遲

延方壺自靖江歸里過訪瀑房

薰風兩袖別飛淙白面虬髯涖靖江高等曾標
國史院仁聲寧弟子男邦中流桂楫瞻南斗退
食蘭香倚北窗見說歸帆無一物深山還訪鹿
門廳

董方伯屬定漢中志

秦坤蜀艮剖天荒江漢朝宗旂署堂拜將淮陰
奇事業出師諸葛大文章五盤詩險驚雲棧一
騎塵飛笑海棠已入董狐良史筆撝謙猶自訪

賁皇

痰發于指以詩自遣

灑林潛沼動鯢栢判歲微痰在指端展帖尚臨
鍾字寫調絃猶抱宋琴彈千竿翠竹清為伴六
月新荷秀可飡山作醫王水是藥走離不厭兩
相看

蝗

為問今何歲柔兆涸灘載螟蟻從東來蝨賊湧
崔嵬蔽天仍覆地山川為之改食葉蕪食心根
節皆成痲秉畀舉炎火彌望煙氛變田上詎行
舟呻吟如款乃民以穀為命曾是耕也餒蟲志
亦有言其出應公賄貪殘寧赤首黑首行如毒
災變不虛生蒼生則何辜吾聞唐太宗吞蝗厭
凶悔捕石十四萬良相姚崇在飛而不入境河
上神明宰安得馬伏波魚鰕入于海

中秋月

今年早月湧中秋古樹明輪瀉滿樓不着冰壺
塵一點只畱銀海濶雙眸山深斗折星辰靜林
表雷轟瀑布流龍杖若還公遠在霓裳應作廣
寒遊

劉岍舫齋頭會鄭祿軒談星

退之磨蝎在身官斗射東坡又復同總是才奇
招謗譽斷非流俗決英雄月華鳳采金波裡日
表龍文玉照中不遇子真誰教我劉郎仙棹引

春風

丁酉都門畱別楊崑嶽年兄靜觀上人二
首

又着征鞭入帝鄉隨緣寧復定行藏三春老杜
重遊寺十笏瞿曇小洞房岫遠雲迷西子儻風
和月照白丁香連宵夢在濤樓下所謂伊人水
一方

畱滯周南望翠微西山河處典春衣支公相馬

憐神駿莊叟遊鵬羨怒飛但獲文章交有道縱
沾霜露願無違遙思瀑布沿溪柳寒勒桃花待
我歸

丁酉初夏自京旋里遊藥嶺

萬壑嵐光湧大猷朱樓縹緲正當中千年石洞
遊羅漢八部天龍詫鬼工虎嘯雲巖蹲恠穴鶴
歸華表唳高風竭來景物方初夏茗吸懸泉傲
芋翁

獨坐中峰大石頭再看古刹兩層樓羣嵐翠藥
籠金翅匹馬紅雲捧玉虬欲去應畱真面目此
來寧復等閒遊金臺抵里方三日即訪名山望
十洲

贈李玄一楚憲

海黛門東甲第家鬱蔥佳氣湧京華根盤仙李
從來大世沐恩波况復賒江漢名藩雲夢又河
山良牧水心衙會看弓冶承休日御苑新堤正

築沙

贈李太守

二月都門動所思有懷孔邇更何之遙知紫氣烹鮮日正是青田望雨時路入井陘天下險民如石艾世間疲南山樂只從今咏寧獨舂陵老杜詩

還瀑而作

郊畿千里偏瀑在恒山右抱疴一紀餘公車媿

所就憲庭望百齡蓋欲保其壽豈曰為貧仕北上今年又一再入長安亦忽顏之厚北山有移文句句莫予宥蜻蜓點水來濤閣林鶯味軒靜四垂簾可以排清晝一飯步前溪灌木仍依舊轍跡何其多云昨來豸繡豸繡誇水山胡為欲除授偶然如棒喝能使疑團透心事且勿告斯言拜而受

雨中讀玄宰容臺全部攜自京師

半載東西客歸山
媿老萊息機
凭畫閣望道讀
容臺壽考逢明世
仙風寫逸才
此行何所得
赤水抱珠來

太原還里自嘲

不混風塵裏
焉知石隱高
入門無數竹
登閣老胡
樵洗耳聽
黃鳥清心
灌碧濤
問君何處
返底事又賢勞

馬化

乘爾雖三月
追風歷九達
誰當換叱
撥何處匹
權奇望水遙
光練巖山古
幣帷馴良兼
美駿題起動人思

前題

萬物都泡影
疇不返無形
愧余未聞道
太上乃忘情
天閑渥洼種
來之自玉京
龍顱而鳳視
豹章而虎膺
五花奇絕文
韓幹画不停
賞如支遁癖
千里跨房星
一朝還造化
乘除理自平
家人

未割愛悲戀若弗勝山川其舍諸此義爾未明
况余草墊人輕肥詎所應饑渴馳綉之亮爾亦
不能去賒還去甚高卧體還寧

睡起改三碑

日高猶睡足真境宿杍源栩栩遊清夢炎炎悟
大言記懸瀑布水碑換虎溪軒改句銘奎閣研
殊露正繁

丁酉夏日山居十咏

自媿非遷史生平特好奇胡為牛馬走只合水
山宜有興千竿竹無懷一首詩隨緣今始悟野
逸已嫌遲

只尺風霆怒山樓恠雨來幾乎大木拔忽爾吉
雲開掃葉驅茅塞披蓮養聖胎譬如經劫難造
物有言哉

更欲求何境無過在瀑房清流隨石轉老樹與
雲翔尚友書千卷藏身水一方始知騎馬倦輪

我北窗涼

一落微塵易常居清福難徵心能選佛入世乃
求官古月依山靜閒雲在澗寬讀書過一紀寧
作等閒看

天水涵森木林臯橫野橋入門呼怪石轉徑引
芳椒京客來詩酒山童任牧樵鯤鵬與鷺鷥大
小各逍遙

欲貴寧如逸因貪始覺貧清心惟寡欲別境况
無塵黃鳥緡蠻止青蓮淨直新安閒身不病便
是古皇人

九十淇澳咏五千歲史言自修年與進日損道
之原聚景登濤閣心空卧竹軒沿溪忘遠近漁
父武陵源

凡事惟求減方知博溺心如虹還比玉看鹿不
貪金間強從南北忘懷任古今水山真靜壽興
到即登臨

甚愛應須費忘機始澹寧出泥荷湛湛有斐竹
青青耳順花方子身輕老復丁乘涼桑下過那
記淨名經

京華三月住曾見少林僧不遠輕千里來干第
一乘人皆畏夏日我獨忍冬藤世上金銀比清
香能未能

初度戲贊集韻于詩凡采一章章一句

關關雉鳩呦呦鹿鳴鶴鳴于九臯念彼周京簡

兮簡兮碩大無朋懷哉懷哉我以為兄考槃在
澗既安且寧羊牛下來麾之以肱魚躍于淵言
綸之繩于焉逍遙乃寢乃興我思古人展也大
成其詩孔碩適駿有聲或佐之史無忝爾所生
四月維夏鳥鳴嚶嚶楊柳依依綠竹青青有蒲
與荷其香始升彼姝者子顏如舜英穆如清風
俟我于庭乎而澆池北流東方明矣西有長庚
如南山之壽我姑酌彼兕觥

玉簪

玉簪開七月晚際發幽芳素體美而艷采采欲
盈筐首為補陀薦餘以佐文房帶露含新蕊
茉莉亦尋常甘與子同夢通宵芬我床凌晨酣睡
足三嗅尚馨香

李媿我七十戲句

無數玉簪香滿瀑九十武公如菜竹君之兄弟
幾嚶鳴橋井壇邊憶鵲鷓為問老成誰在矣蓬

萊而行聞諸耳杜云七十古來稀七十如君百
與期周南高咏螽斯羽羨君五男又十女詵詵
宜爾復振振三十有八內外孫修顛天半我眉
雪新雛雙抱真奇絕藉茅生梯誰與同蚌發珠
光照守宮

七夕雷雨玉簪盛開插古銅瓶

今夕何夕大雷雨為問牽牛與織女萬古相望
東直西橋胡填鵲石支機詩人奇崛無聊賴天

漢呼星寧語恠陰陽夫婦義好速仙槎通處是
河洲一年一度心如搗人間乞巧徒相勦長生
殿上願無涯堦前冷艷玉簪花柔骨豐肌半吞
吐光而不耀軍持古古翠朱斑插素娟有如通
德伴伶玄

新秋月下得夬字

丁酉年之判書空咄咄怪滿腹不合時新秋月
可曬牽牛織女星兩隔銀河派零露夜瀼瀼擬
欲滄沆瀣天漿滌我腸炎熱庶有豸秦宇發其
光曠彼大千界大千碧且虛何處著睚眦夕靜
水聲來瀑音正清泠為歎鳴豫人何似石而介
讀易近有獲慎哉始與夬

伯彭補單縣

寄語鳴琴宰今誰十九人掣籤寧涉險補印又
懷新距晉方千里登燕只一旬長班稱大喜短
債認鄉親路近多姻眷郵偏少弁紳香奩偕碧

玉吉日遠紅巾阮籍將脂轄賁皇敢問津雖狀
居瀑澗也或到城圍處處皆沙風奔奔鮮洛神
恥隨市井伍幸結水山隣綠竹斐而壽青荷露
可珍選官如選佛詩富亦詩貧飽閱棚場世叨
全素位身公車還向北老驥尚同春秉纊看輕
重披裘任屈伸監河三百貸東海有波臣

北海李尊尼以丙申十月卒河中常步齋
十二月卒丁酉六月李觀陽卒合詩弔之

君不見商山茹芝四皓翁當時羽翼漢春宮今
日鯤溟李北海八十自號東園公敵手騷壇歷
三紀時常千里寄詩筒弁予集杜一百首題碑
謁帝玉樓中又不見黃河之水象天街華岳中
條峙兩厓舜都自古多卿相爰有同年曰步齋
咸陽十載無錢贖嗟君劔術亦踈哉天道無親
常不常我里小善失觀陽不是龍蛇是申酉
年未及悼三良

秋懷八首

露淨高空放廣寒竹林深處倚樓看天飛玉杓
聊開眼海湧冰壺欲濯肝鼻倩僅能當大隱少
陵不及見貞觀應知無限悲秋事為問嫦娥可
自寬

聞道星槎與漢通分來為瀑日流東養葉已古
成秋嶂和鶴而歌透碧空萬竹琅玕青玉立千
峰翡翠紫煙籠日旰更喜西山對懸圃金霞一

望中

吟到蘭皋新水邊如虹吼瀑響秋山三千鵬路
逍遙外十二巫峰想像間宋玉高才寧鬱鬱莊
周大智可閒閒牧童牛背斜陽穩笑指煙村自
往還

又是浮雲過眼新鴻飛遵渚雁來賓名墀利壠
人間世髮短心長自在身簞食雖窮書畫古考
槃縱小水山真於今淡絕尋常事漫做陳思寫

洛神

睡醒芙蓉玉照池瓊英雅艷世無之胡然天
胡然帝在水中央在水湄三尺絲桐彈綠綺五
湖煙雨伴西施美人遲暮還遲暮秋以為期又
過期

陟彼崔嵬望舊郊停雲靄靄未能拋冠山筭峙
迷丹鳳瀑布飛濤怒赤蛟刪後無詩歸大雅畫
前有易動初爻只今泠水秋風起簫鼓樓船憶

上交

碧濤樓閣月為缸欲照詩魔未肯降東壁清輝
懷夏屋西嵐爽氣入秋窗詩箋濯錦濤疑薛夢
筆生花淹過江誰隔銀河千萬里風流寧許伴
無雙

突兀奇嵐劍出函商飈昨夜洗秋高石邊對弈
看黃角竹裏傳盃問籍咸家近龍門歲副史天
高鳳沼見孤帆小山叢桂畱公案金粟法芬落

滿衫

王司李過訪瀑房二首

濛濛煙雨憶停雲
遊目山川媿右軍
每向天門疑虎卧
曾為道士寫鸞羣
千旄逸調尋幽討
爾雅高音避俗氛
怪底聯宵秋瀑吼
風行水上共論文

茂林修竹滿崇山
亦在汾東隱秀間
僕射曾期三益友
庭堅直在五臣班
未能追琢鐫青玉
但

見浮鷗友白鷗作賦登高聊可韻
南華秋水大方剛

寄題靜觀上人與鼎開士遊西山

目錄有引

寄語楞嚴頂宗門
古梵林一天花雨院
四大石牀栞東墦
碑應寫西山寺
可尋真空何以報
布地盡黃金

精舍盆梅

孰與芳蘭伯仲
奇奇哉以羨古
盆梅雙以素艷

甘凝露六蕊幽芳翠捧以合德臨瀾新
君對月晚聽時可憐回向菩提路休夏園林好
自恣

瓶蓮

一枝新水法華蓮古籀軍持分外鮮
曾不垢斲流清露倍生妍亭亭抱玉房皆子瓣
辨凌波步欲仙料想灑荷同此月遙香隱約發
天然

靜開士列古玩時花木得茉莉索詩

平章羣卉頗幽尋試問高僧支道林
神駿画沉香八尺古牀琴也知到處應無住
欲隨緣便得心况復南枝相失久科頭肯負柴
茉莉簪

金銀藤結雙壽字用鶴儕先生句足而成
律

儕鶴先生一艸堂
恁冬心句寫孤芳
山一籬落

從來雅世上金銀無此心瀑布蒼棚臨
盆京
盆巧偶類鴛鴦雙盤壽字如偕老錯認清芬似
故鄉

大暑三友戲為物體題西來閣

六月之朔庚寅伏夏日可畏異尋常燥來何事
司人熱靜勝無心乃自涼星石水寒梔子伴膽
瓶碧冷荷花房茉莉再從南國至大暑三友共
慈航

蘭芽

曾聞君子况幽蘭今見蘭芽仔細看香國由來
為棘妬吟壇只合與芝歡同心之臭金應斷空
谷何人秀可食泉石煙霞無限意西峰遙望倚
欄杆

西山八咏

宿戒壇

聞道西山有戒臺先從一處看雲來仰
祇樹

連箕尾俯視桑乾動雨
墮影壇空齊利日
光海照引蓬萊華嚴百八鐘聲省第一登臨法
界開

次潭柘

太古名山入望初先傳勝境後幽都
柘畱白象千年骨潭繞青龍九戲珠
虬蟒慈禪真佛性袈裟威猛少師圖
印公邀語禪牀夜海底濤吟尚耳呼

凌晨自朝陽菴渡河望淨德上隆恩

西來一葦渡虹波雙寺環峰旭影過淨德左宜
雲樹密隆恩右有雨花多範金寶塔轉輪藏
髻帛藤胎大補陀十里尋源龍井岍上方雷鼓在
煙蘿

法海

微雨平登法海門無邊路柏掩承恩画橋三轉
鼇吞口翠栝千斑豹吐玉井高流外蘆

溝遙望失清渾。殘碑尚刻英宗號。始信餘見
佛尊。

香山

香山南轉轉山香。窈窕潺湲水樹涼。忽聽黃鸝
啼午夢。再觀錦里戲虹梁。當門接引冲霄佛。曲
徑高低倒峽廊。更上一層天欲近。不分雲漢界
洪光。

來青軒

白衣岩畔望都亭。樓閣空中近帝庭。世廟綸音
稱獨翠。神宗御筆寫來青。朝暎散靄仍藏霧。夜
月流輝可摘星。隨意推窗檀氣滿。蒼龍教子鶴
聽經。

洪光

欲問洪光何處尋。十盤九轉栢森森。山腰閃影
人中画。案頂明珠月在心。蒲馥並將吞石髓。雨
飛真似吼雷音。昆盧圍殿朝鮮樣。千佛蓮花面

面金

碧雲

碧雲鵬際看皇州。十日奇觀結壯遊。玉沼青林
恣夏榻。珠龕寶藏會西樓。凝香丹桂長廊蔭洗
鉢。清泉遍戶流。寂是烹茶談竹院。水天一色聖
題畱

西山名勝甲天下。拳懷久之時節因緣乃在
已亥。遂瀑隱之異想。獲鼎寰以同攜。曰形家

取逆仁道先。難首戒壇而尾碧雲。渡隆恩而
超法海。潭柘之古香山之幽。洪光之奇來青
之遠。雨中雲畔蘇衲賡詩。玉色金聲。清僧洗
硯龍湫。卓錫竹間。佳茗烹來。般若伊蒲。花裏
香廚。捧出荒涼。臥佛已倦。津梁杳靄。西峰但
聞鐘鼓。避囂在四月之末。入深為十日之遊。
經萬壽禮大鏞。而殿焉所歷。有吟聊識如右。
發碧雲至萬壽。隨喜臥鐘高一丈八尺濶。

一丈二尺中外週邊鑄楞嚴法華金剛華
嚴諸品經咒毫髮無遺字畫端楷硃砂翡
翠蒼狀鬱狀神物奇特矧自洪武萬曆初
封長鳴侯尋臥地頃寺前院災謂倣高麗
圓殿可復懸之

誰將海藏寫銅龍犬六金身變大鏞極品部經
皆佛鑄長鳴侯爵自天封閣前炎上空諸有殿
改圓通庶可容從此不須翻貝葉懸之宇宙更

無鐘

端午前與鼎開士遊西山還西來閣值開
士初度即事十二韻為壽

大教欽玄奘修齡孰可班性香雲榭鼎寧照海
天寰指月觀宗鏡臨漪識聖顏紅翻白馬部衲
佩紫衣環萬善隨人悅三飯到處閒戴君蓬斗
笠襟我玉絛斑橋過京塵外峰高法界間放叅
羅漢古點化石頭頑休夏桓林榻由旬桂嶺灣

夙緣同寶筏他日定禪關鹿洞千年筭鵬圖六月攀攜來詩裏画公壽即西山

西山迴文戲句

拋塵遠步戒臺叅次宿名嵐古石
蟻蛟枕晚煙
迷水澗鶴飛晨影度橋菴巢禪淨德隆恩北石
怪香山法海南梢月洪光千樹轉
嚶嚶喜晤碧雲曇

中秋二首

此夜都門月中秋選佛場
刀環真不遠柳肘復何傷
癆發于左肱之曲且喜江平報平分酌滿觴
西方瞻桂影千里近萱堂

役役寧知止京塵又判年西山吾老友秋月爾同眠
河漢原通海兼葭別有天
水流何處是應照瀑東偏

蓮開

奇文點罷瑞蓮開閣外黃鸝報語來六月方離

野馬汗一枝初晒法華腮亭亭玉立金纓蕊
瑟珠光赤蚌胎為愛泥中曾不垢晚香韜穎靜
池臺

紀異

歲在庚子夏六月廿之七萱慈九十二大雨崩
其室驚聞魄已碎其勢急于霹恨不以身代啜
泣何嗟及倉忙空旁入泥高門已塞椽椳襍瓦
礫枒杈四面集余母竟無恙所坐僅容膝嘗誦
普門品仰大威神力十四無畏中少此奇險吉
不謂余狂瞽仍得見天日神明過於護悔吝尚
夕惕母齡何處筭再從百有十

晉史咏畧二十二韻

一葉削桐珪天子言無戲太原汾水東惟此陶
唐冀絳都翼曲沃寧容兩大勢驪戎獲妖姬毒
胙先墳地嗚呼恭太子危於金玦佩重耳及難
初四十有三歲在戎十二秋豕栢定而逝逸

到臨淄晉文齊桓壻懷安實敗名登車心已事
逐犯竟引戈奇情聞所未過曹不禮焉野人與
之塊何以報楚君中原三舍避送渭復微行秦
繆王城會險阻十九年定霸六十二五蛇從一
龍其一綿田退身隱焉用文寒食千春祀臺上
觀避丸熊脬藝亦劊董狐自有筆鉏麈安肯割
祁奚真不黨叔向知季世悼後遂莫強萬盈大
名魏舜華竇鳴犢回轅槃操喟卿才諸侯選吾

祖賁皇裔

九日登臺詠懷舊跡四首

臺上亭先題正冠以對冠山得名

西山不改尚如冠九日登臺正對看蓬鬢真將
羞落帽高峰還與笑憑闌一雙古壙涵秋影百
五蒼案歷歲寒側注風雲寧再遇漫言新沐必
須彈

四十年前作賦臺兵戈之後剪蒿萊山城空翠
朝暉裏樓閣遙紅晚照來采菊東籬懷靖節切

雲西嶺望崔嵬吾廬堂壁歸狀在絲竹金聲隱
碧苔

玄宰標題著大荒正冠亭下百源堂頻伽音雅
梁盛淨脈望規奇寶樹香玉露今在時隱逸楚
材晉用自賁皇千年鶴唳歸華表台斗星高認
戴匡

昆明池劫換年華自斷何勞筭海沙菊到重陽
方雨露山畱冠冕但煙霞輞川別業歸天竺銅

爵西陵走暮鴉瀑布飛濤吾欲老東軒久擬遠
公家

夢鶴儕先生

鄙上趙冢宰文章絕代雄生平所著作每見即
心融鴈門畱史韻寤寐若為通東里秋宵宿月
照屋梁空分明夢見之是為儕鶴翁素冠緼袍
古蒼顛面向東余也侍側陳公文素所宗公云
如此世爾宜委曲從若狀斯二語烏稱忠毅公

顧廚公領袖曾歎揚大洪乃知巽行權雅有大
臣風聞昔杜子美見夢蘇文忠遺恨吞吳解千
載豁心胸

讀友夏遇莊約畧成咏

萬卷丹經何句總真人之息在於踵用心若鏡
感而通緣督為經鍊鉛汞豹養其內虎外來毅
養其外熱內涌東陵殉利西山名不材天年寧
擁腫九萬鵬背自逍遙三多華祝堯猶恐蝴蝶

栩栩濠魚遊輪尻神馬留心統入水不濡火不
焚哀樂不動胸馬悚無搖爾精勞爾形無俾思
慮營營冗古人糟魄書莫讀詩禮發冢誰作俑
不導引而壽云何象罔赤水玄珠湧無卜筮而
知吉凶終日握手其德共老朋新沐應微初一
人儒服公門聳韋編三絕變南華莫認莊周真
罵孔

祈晴篇

燕燕舞前軒蟻穴封千後昨宵月離畢大雨為
之驟六月十之三母乃蒼龍鬪狂怕不暫停淫
霖夜復晝偪側何偪側誰為補天漏乞晴皆云
止怕來仍還又凹堂寧芥舟桀斃柳湮透甲子
困泥塗歎室憐閨秀尚憶雨淋鈴瀑房移中雷
七里碧濤樓萬卷書痕籀吾廬作虎谿總仗楊
枝祐

贈龍門河隩士

東里賁皇換虎溪迦陵新轉竹林西星躔文斗
朱衣點雲裊仙風恠石梯不二法門寧青月大
千世界盡菩提神通佳手從吾願金湧蓮花已
出泥

黃庭云百二十年猶可還拱址自況本此
今年六十有五廣內景之言拓大衍之數
湧成排律聊祝

拱垣吾執友自非有鴻材壯險雄風過平康老

境來巽梯函玉蕊乾柱聳春臺虎鍊三彭月龍
吟五內雷每心存古悔亥子認嬰孩玄牝觀其
徽丹田灌幾迴鉛紅將問鼎須漆見于腮槃澗
青蒲扇荷房綠葉杯比逢初度會正是法華開
週復看羲卦寧云百念哉

贈邢子愿公孫画筵

楚材騷雅出清塵一握春風賞鑒新書重子愿
邢太僕画尊慈靜馬夫人右軍之後來禽館大
藏珍

除夕

士云何現月身家學丹青渾老氣公孫貽贈可
一燈除夜照心龕母歲明春九十三爆竹山中
聲愈壯屠蘇殿後飲寧貪納新吐故應須壽歎
老嗟卑恐屬愁秩秩斯干波欲煖晚香清夢可
熊男

元旦聽華嚴鐘

鐘聲催曉撞華嚴此是新正第一占茶咽洗心
懸水瀑音聽盈耳良山兼匪莪伊蔚焉能孝于
止羞毛已太廉四十九年非也寤眉光應放白
毫尖

即事

攝提歲在寅又見改元春山水還依舊風雲變
態新看詩到小雅展易得同人始媿當年少早
克觀國賓

上巳

上巳欣然事祓除花明柳媚惠風初仲春三日
周官制曲水流觴晉法書可似波羅云不垢更
叅點爾對何如一勾新月西方現向晚鐘聲又
起予

上巳與伯彭公振遇諸塗感所見戲贈之
作

徒步值上巳忽逢舊知己滄桑起人心法器應

不爾脩禊字名佳。知命順于耳。黃沙枯弱體。其
面本樵李。金菊對芙蓉。今昔何彼此。應作如是
觀。一酌東流水。

壽王太守二律

仁聲赫奕吼新雷。此日南山頌有臺。樂只千秋
洵樂只。歸哉百姓盡。歸哉使人易。事殊難悅與
物中孚。斷不猜申甫。祥鍾光岳氣。星軌於斗近
三台。

洮江左控古并州。右掖神京。遠置郵。天與廣陽
廉父母。民當大夏。祝春秋。省財力。似千鈞。鼎容
衆心如萬壑。舟滂說。庚桑楚。畏壘竚。看三接。晉
康侯。

續暹字祥光二首

凌空錫杖倒飛尖。直問賁皇古。孝廉九月金霞
佛界續五燈。寶藏海濤暹。種蓮慧業何其遠。采
菊陶然可似潛。險韻成詩聊棒喝。應知究竟作

楞嚴

東里當年勒發祥百源今日應毫光雲經苔
天花淨月洗心燈寶篆香梵唄千聲聞紫極禪
牀四大伴純陽虎溪真復成三笑讀罷金剛解
遇莊

暹公晨興功課投燈步月四處焚香景色
聲聞頓超常境一詩以附回向

早起焚香步艮台山高月大西來玲瓏栢影

雙飛塢園滿心燈四照臺磬韻清新驚蝶夢魚
聲空洞吼轟雷細聽佛號如天語字字呼謂
善哉

大雪經聲

造化特好奇物理欲顛倒瀑布反為家東林作
三寶拈拈九月餘喜得暹公好大事甫成功歸

禪襖半夕即言旋吾師又洒掃同雲湧霞

乾坤老白雪滿崑崙師又發清梵明

聞說

朝霞射白

華心轉夢初圓昨宵

大

沙門心泰囊人赤水愿云栖袂一身為佛法

湯台編上下

今樂荷余補段照水樞


衣赤帝子空山雨竹漢文章護法一于或定

西來了義于豈狐

初動八得偶方

目經





程